

AKTI I THEMELIMIT

DHE

STATUTI I SHOQËRISË TREGTARE

"Hazisllari Trans " shpk

Neni 1

Në bazë të ligjit nr. 9901, datë 14.04.2008 "Për tregtarët dhe shoqëritë tregtare" i ndryshuar, si dhe të ligjit nr. 9723, datë 03.05.2007 "Për Qendrën Kombëtare të Biznesit" i ndryshuar, me vullnetin e tyre të lirë, ortaket e shoqërisë kanë rënë dakord të hartojnë këtë akt themelimi dhe statut të shoqërisë me përgjegjësi të kufizuar (sh.p.k.) "Hazisllari Trans " Sh.p.k., e cila do të veprojë sipas legjislacionit në fuqi e themeluar nga ortaket e saj si vijon:

Individet

z. Veli Hazisllari, me shtetësi shqiptare, lindur më 05/06/1955 në Melov Skrapar, me banim në Shqipëri në adresën: Rruga: Aleksander Goga, Lgja 8 Durres i identifikuar me kartë identiteti shqiptare me nr. personal F50605195B, me datë skadence 15/04/2029 madhore dhe me aftësi të plotë juridike për të vepruar ligjërisht.

z. Faik Hazisllari me shtetësi shqiptare , lindur me 15/02/1957 ne Melov Skrapar , me banim ne shqiperi ne adresen: Rruga: Aleksander Goga, Lgja 8 Durres I identifikuar me karte identiteti shqiptare me nr . F70215083M, me date skadence madhor dhe me aftesi te plote juridike per te vepruar ligjerisht.

z. Aranit Hazisllari me shtetësi shqiptare , lindur me 04/04/1971 ne Melove Skrapar , me banim ne Shqiperi ne adresen: Rruga: Aleksander Goga, Lgja 8 Durres I identifikuar me karte identiteti shqiptar H10404231M, me date skadence 27/05/2029 madhor dhe me aftesi te plote juridike per te vepruar ligjerisht.

z. Gezim Hazisllari me shtetësi shqiptare, lindur me dt 27/02/1961 ne Melov Skrapar , me banim ne Shqiperi ne adresen : Rruga: Aleksander Goga, Lgja 8 Durres I identifikuar me karte identiteti shqiptare me nr, G10227004T me date skadence 23/09/2028 madhor dhe me aftesi te plote juridike per te vepruar ligjerisht.

Znj. Margarita Hajdari me shtetësi shqiptare , lindur me 08/03/1967 Corovode Skrapar, me banim ne Shqiperi ne adresen: Sauk Tirane e identifikuar me karte identiteti shqiptare G75308053Q , me date skadence 11/11/2029 madhore dhe me aftesi te plote juridike per te vepruar ligjerisht.

z. Mario Hazisllari me shtetësi shqiptar , lindur ne Melove Skrapar me 24/04/1983 , me banim ne Shqiperi ne adresen : Rruga: Aleksander Goga, Lgja 8 Durres I identifikuar me karte identiteti shqiptare I30426084L me date skadence 27/07/2032 madhor dhe me aftesi te plote juridike per te vepruar ligjerisht,

z. Mirjan Hazisllari me shtetësi shqiptare, lindur me 18/03/1969 Melov Skrapar , me banim ne Shqiperi ne adresen : Rruga: Aleksander Goga, Lgja 8 Durres G90319079F I identifikuar me karte identiteti shqiptare , me date skadence 30/12/2029 ,madhor dhe me aftesi te plote juridike per te vepruar ligjerisht.



Deklarojne se sot, më datë 10/09/2024, kane nënshkruar këtë akt themelimi dhe këtë statut dhe kane rënë dakord për krijimin e një shoqërie me përgjegjësi të kufizuar në bazë të këtij akt themelimi dhe statuti duke respektuar kërkesat e legjislacionit shqiptar për shoqëritë tregtare.

Neni 2

EMËRTIMI DHE FORMA E SHOQËRISË

Emërtimi i shoqërisë tregtare të themeluar nga ortakët e saj do të jetë **"Hazisllari Trans"** Sh.p.k. Forma e shoqërisë tregtare të themeluar do të jetë Shoqëri me Përgjegjësi të Kufizuar (Sh.p.k.).

Neni 3

OBJEKTI I VEPRIMTARISË SË SHOQËRISË

Objekti i veprimtarisë ekonomike të shoqërisë do të jetë si vijon:

- Transport për vetë dhe për të tretë të çdo lloji mallrash dhe produktesh brenda dhe jashtë vendit

Neni 4

SELIA E SHOQËRISË

Shoqëria tregtare **"Hazisllari Trans"** Sh.p.k. do ta ketë selinë e saj në Berat Corovode në adresën: **Lagjja "Pasho Hysi"** Pallati nr 1 njesia ne katin e pare perballe Tregut te qytetit ,Corovode , zona kadastrale 1420.

2. Ajo mund të krijojë ose të mbyllë në Shqipëri ose jashtë saj filiale, përfaqësi apo seli të tjera.


Neni 5

KOHËZGJATJA E SHOQËRISË

Kohëzgjatja e veprimtarisë së shoqërisë është 30 vjet. Si ditë e fillimit të aktivitetit të saj do të merret data e regjistrimit pranë Qendrës Kombëtare të Biznesit. Ortakët e shoqërisë kanë të drejtë ta zgjasin këtë afat.

Neni 6

KAPITALI THEMELTAR I SHOQËRISË



Kapitali themeltar i nënshkruar i shoqërisë është 100 lekë dhe përbëhet nga kontributi vetem në para. Ky kapital, i cili përbëhet nga 7 (shtate) pjesë (kuotë), është nënshkruar nga ortakët e saj themelues dhe vlera nominale e një pjesë (kuote) është 14.286 lekë. Pjesëmarrja e ortakëve në kapitalin themeltar të shoqërisë do të jetë si vijon:

Ortakët

Individet z. Veli Hazisllari do të zotërojë 14,286 pjesë të kapitalit të shoqërisë kuotë dhe vlera nominale do të jetë 14,286 lekë.

Individet z. Faik Hazisllari do të zotërojë 14,286 pjesë të kapitalit të shoqërisë kuotë dhe vlera nominale do të jetë 14,286 lekë.

Individet z. Gezim Hazisllari do të zotërojë 14,286 % pjesë të kapitalit të shoqërisë kuotë dhe vlera nominale do të jetë 14,286 lekë.

Individet z. Aranit Hazisllari do të zotërojë 14,286 % pjesë të kapitalit të shoqërisë kuotë dhe vlera nominale do të jetë 14,286 lekë.

Individet z. Mirjan Hazisllari do të zotërojë 14,286 % pjesë të kapitalit të shoqërisë kuotë dhe vlera nominale do të jetë 14,286 lekë.

Individet z. Margarita Hajdari do të zotërojë 14,285 % pjesë të kapitalit të shoqërisë kuotë dhe vlera nominale do të jetë 14,286 lekë.

Individet z. Mario Hazisllari do të zotërojë 14,285 % pjesë të kapitalit të shoqërisë kuotë dhe vlera nominale do të jetë 14,285 lekë.

Neni 7

KONTRIBUTET


Shoqëria me përgjegjësi të kufizuar është një shoqëri tregtare e themeluar nga persona fizikë ose juridikë të cilët nuk përgjigjen për detyrimet e shoqërisë tregtare dhe mbulojnë personalisht humbjet e shoqërisë deri në pjesën e pashlyer të kontributeve të nënshkruara.

Kontributet e ortakëve përbëjnë kapitalin e regjistruar të shoqërisë me përgjegjësi të kufizuar. Kapitali i shoqërisë me përgjegjësi të kufizuar ndahet në një numër kuotash në raport me kontributin dhënë nga çdo ortak në shoqëri.

Çdo ortak zotëron një kuotë të vetme në shoqëri. Bashkëzotëruesit e një kuote gëzojnë cilësinë si një ortak i vetëm. Shoqëritë me përgjegjësi të kufizuar nuk mund të ofrojnë kuotat e tyre si mjete investimi për publikun e gjerë. Kontributi i ortakëve mund të jetë në para ose në natyrë (pasuri të luajtshme/të paluajtshme apo të drejta).

Ortakët e shoqërisë me përgjegjësi të kufizuar i vlerësojnë kontributet në natyrë në marrëveshje të ndërsjella me njëri-tjetrin dhe i shprehin vlerat e tyre në para.

Nëse nuk mund të arrihet një marrëveshje, secili prej ortakëve mund t'i drejtohet gjykatës përkatëse për të ngarkuar një ekspert vlerësues me një vendim me efekt detyrues. Raporti i ortakëve ose i ekspertit për



vlërësimin e kontributeve i dorëzohet Qendrës Kombëtare të Biznesit së bashku me të dhënat e tjera të kërkuara për regjistrim.

Neni 8

KUOTAT DHE KALIMI I KUOTAVE

Kuota e shoqërisë me përgjegjësi të kufizuar mund të zotërohet nga një ose më shumë persona. Në rastin kur një kuotë e kapitalit të shoqërisë zotërohet nga më shumë se një person, në marrëdhënie me shoqërinë këta persona trajtohen si një ortak dhe të drejtat e tyre ushtrohen, nëpërmjet një përfaqësuesi të përbashkët. Këta persona përgjigjen personalisht dhe në mënyrë solidare për detyrimet që lindin nga zotërimi i kuotës. Personat që zotërojnë një kuotë të kapitalit të shoqërisë me përgjegjësi të kufizuar, merren vesh ndërmjet tyre për ndarjen e të drejtave e të detyrimeve, që rrjedhin nga kjo kuotë. Këto të drejta e detyrime mund të ndahen në mënyrë të barabartë ose jo. Veprimet e shoqërisë ndaj kuotës së zotëruar nga më shumë se një person krijojnë pasoja ndaj të gjithë zotëruesve të saj edhe nëse veprimi i shoqërisë i drejtohet vetëm njërit prej zotëruesve. Shoqëria tregtare mund të lëshojë një certifikatë për të vërtetuar zotërimin e kuotës së kapitalit. Kjo certifikatë lëshohet në emër të personit apo të personave që zotërojnë kuotën dhe nuk përbën letër me vlerë. Nëse personat që zotërojnë një kuotë nuk arrijnë një marrëveshje atëherë zbatohen dispozitat e Kodit Civil për bashkëpronësinë.

Neni 9

MËNYRA E FITIMIT DHE E KALIMIT TË KUOTAVE

Kuotat e kapitalit të një shoqërie me përgjegjësi të kufizuar dhe të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyrë tjetër të parashikuar me ligj.

Në rastet e kalimit të kuotave me kontratë, kushtet dhe momenti i kalimit të titullit të pronësisë mbi kuotën, si dhe kushtet e tjera të kalimit, përfshirë momentin e pagesës së çmimit, rregullohen nga kontrata. Kontrata për kalimin e kuotës hartohet në formë shkresore dhe noterizimi nuk përbën kusht për vlefshmërinë apo regjistrimin e kontratës. Me përjashtim të rasteve kur parashikohet shprehimisht ndryshe nga ligji apo kur palët bien dakord në kontratë, vlefshmëria e kalimit të titullit të pronësisë mbi kuotat nuk do të kushtëzohet nga kryerja e formaliteteve të ndryshme me efekt deklarativ, përfshirë këtu formalitetet e regjistrimit ose të publikimit të kontratës apo të kalimit të titullit.

Në rast kalimi të kuotave për persona të tretë që janë jashtë shoqërisë, ortaku që shet kuotat duhet të njoftojë me shkrim shoqërinë dhe duhet të ofrojë të drejtën e parablerjes në favor të shoqërisë apo ortakëve të tjerë të shoqërisë. Në rast se shoqëria nuk ka bërë të ditur vendimin e saj brenda tre muajve nga data e njoftimit të fundit sipas paragrafit të mësipërm, miratimi i transferimit konsiderohet i dhënë. Në rast se shoqëria refuzon të japë miratimin e transferimit, ortakët brenda tre muajve nga data e këtij refuzimi duhet të blejnë apo të lejojnë blerjen e kuotave të kapitalit themeltar me vlerën kontabël të kapitalit të vet që do të rezultojë sipas bilancit kontabël në datën e shitjes së kuotave.

Neni 10

PASOJAT E KALIMIT TË KUOTAVE

Personi që kalon kuotën dhe ai që e fiton atë përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga çasti i kalimit të kuotave, deri në çastin e regjistrimit të kalimit. Shoqëria regjistron kalimin e kuotës, sipas nenit 43 të ligjit nr. 9723, datë 3.5.2007 "Për Qendrën Kombëtare të Biznesit". Regjistrimi i kalimit të kuotave ka efekt deklarativ.

Neni 11

PJESËTIMI I KUOTAVE DHE TRANSFERIMI I TYRE

Kuotat mund të pjesëtohen për shkak të kalimit të tyre. Dispozitat e nenit 73 të ligjit "Për shoqëritë tregtare" për kalimin e kuotave zbatohen edhe për kalimin e pjesëve të kuotave.

Neni 12


SHPRNDARJA E FITIMEVE

Me përjashtim të rasteve kur parashikohet ndryshe në statut, ortaku ka të drejtë të ndajë pjesën e fitimit të deklaruar në pasqyrat financiare të shoqërisë. Fitimi shpërndahet në raport me kuotën e zotëruar.

Neni 13

KUFIZIMET E SHPËRNDARJEVE, CERTIFIKATA E AFTËSISË PAGUESE

1. Shoqëria mund t'u shpërndajë fitime ortakeve, vetëm nëse pas pagimit të dividendit: a) aktivet e shoqërisë mbulojnë tërësisht detyrimet e saj; b) shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.
2. Administratorët lëshojnë një certifikatë të aftësisë paguese, e cila konfirmon shprehimisht se shpërndarja e propozuar e dividendeve përmbush kërkesat e pikës 1 të këtij neni, ndërsa kur gjendja e shoqërisë tregon se shpërndarja e propozuar e dividendeve nuk i përmbush këto kritere, administratorët nuk mund ta lëshojnë këtë certifikatë.
3. Kërkesat e pikave 1 dhe 2, të këtij neni, zbatohen gjithashtu në rastet kur, pavarësisht nga dhënia e miratimeve të nevojshme, sipas nenit 13, të ligjit "Për tregtarët dhe shoqëritë tregtare", shoqëria do të kryejë një pagesë në favor të një prej ortakëve të saj, në bazë të një marrëveshjeje të lidhur mes shoqërisë dhe ortakut, e cila përmban kushte më pak të favorshme për shoqërinë, në krahasim me kushtet normale të tregut.
4. Administratorët përgjigjen ndaj shoqërisë për vërtetësinë e certifikatës së aftësisë paguese që duhet të lëshohet sipas këtij neni.



Neni 14

PËRGJEGJËSITË PERSONALE PËR SHPËRNDARJET E NDALUARA

Administratorët, të cilët nga pakujdesia lëshojnë një certifikatë të pasaktë të aftësisë paguese, sipas pikës 2 të nenit 77 të ligjit nr. 9901 datë 14.04.2008 "Për tregtarët dhe shoqëritë tregtare", përgjigjen personalisht përpara shoqërisë për kthimin e dividendeve të shpërndara. Ortakët, që kanë marrë nga shoqëria dividendë, përgjigjen personalisht ndaj shoqërisë për kthimin e dividendëve, që u janë shpërndarë kur nuk është lëshuar certifikata e aftësisë paguese, ose kur, pavarësisht lëshimit të certifikatës, këta ortakë kanë pasur dijeni për gjendjen e paaftësisë paguese të shoqërisë, sipas pikës 1 të nenit 77 të ligjit nr. 9901 datë 14.04.2008 "Për tregtarët dhe shoqëritë tregtare" ose në bazë të rrethanave të qarta nuk mund të mos kishin pasur dijeni për këtë gjendje.

Neni 15

RIKTHIMI I SHPËRNDARJEVE TË NDALUARA

Paditë e shoqërisë, siç parashikohet në nenin 78 të ligjit nr. 9901 datë 14.04.2008 "Për tregtarët dhe shoqëritë tregtare", mund të ngrihen edhe sipas pikës 3 të nenit 10 të këtij ligji. Parashkrimi i padive nis në datën kur është kryer shpërndarja e ndaluar.

Neni 16

ANULIMI I KUOTAVE NGA SHOQËRIA

Kuota mund të anulohet në çdo rast me miratimin e ortakut përkatës, me përjashtim të rasteve kur parashikohet ndryshe nga statuti. Të drejtat e detyrimet, që i rrjedhin ortakut nga zotërimi i kuotës, shuhet me anulimin e saj.


ORGANET E SHOQËRISË

Neni 17

ASAMBLEJA E PËRGJITHSHME

Të drejtat dhe detyrimet

1. Asambleja e përgjithshme është përgjegjëse për marrjen e vendimeve për shoqërinë për çështjet e mëposhtme:
 - a) përcaktimin e politikave tregtare të shoqërisë;
 - b) ndryshimet e statutit;
 - c) emërimin e shkarkimin e administratorëve;
 - ç) emërimin e shkarkimin e likuiduesve dhe të ekspertëve kontabël të autorizuar;
 - d) përcaktimin e shpërblimeve për personat e përmendur në shkronjat "c" dhe "ç" të kësaj pike;



dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;

e) miratimin e pasqyrave financiare vjetore dhe të raporteve të ecurisë së veprimtarisë;

ë) zmadhimin dhe zvogëlimin e kapitalit;

f) pjesëtimin e kuotave dhe anulimin e tyre;

g) përfaqësimin e shoqërisë në gjykatë dhe në procedimet e tjera ndaj administratorëve;

gj) riorganizimin dhe prishjen e shoqërisë;

h) miratimin e rregullave procedurale të mbledhjeve të asamblesë; i) çështje të tjera të parashikuara nga ligji

i) çështje të tjera të parashikuara nga ligji apo statuti.

2. Asambleja e përgjithshme merr vendime për çështjet e percaktuara në shkronjat "e" dhe "e" pas marrjes dhe shqyrtimit të dokumenteve perkates.

Neni 18

MBLEDHJA E ASAMBLESËS SË PËRGJITHSHME

1. Asambleja e përgjithshme mbledhet në rastet e percaktuara në ligjin "Për tregtarët dhe shoqëritë tregtare", nga ligje të tjera ose nga dispozitat e statutit dhe sa herë që mbledhja është e nevojshme për të mbrojtur interesat e shoqërisë. Mbledhja e asamblesë së përgjithshme thirret të paktën një herë në vit.
2. Asambleja e përgjithshme thirret nga administratorët apo ortakët e percaktuar sipas nenit 84 të ligjit nr. 9901 datë 14.04.2008 "Për tregtarët dhe shoqëritë tregtare".
3. Asambleja e përgjithshme thirret nëse, sipas bilancit vjetor apo raporteve të ndërmjetme financiare, rezultojnë ose ekzistojnë rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
4. Asambleja e përgjithshme thirret kur shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuar.
5. Asambleja e përgjithshme thirret kur shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuar.
6. Në rastet e parashikuara në pikat 3 e 5 të këtij neni, asambleja e përgjithshme i paraqitet një raport nga një ekspert kontabël i autorizuar, i pavarur.
7. Dispozitat e pikës 6 të këtij neni nuk zbatohen nëse blerjet, sipas pikave 4 e 5 të këtij neni, kryhen në bursë ose janë pjesë e veprimeve të përditshme të shoqërisë dhe bëhen në kushte normale tregu. Gjithashtu, këto dispozita nuk zbatohen në rastin kur shoqëria zotërohet nga një ortak i vetëm.
8. Në rastet e parashikuara në pikat 3 deri në 5 të këtij neni, asambleja e përgjithshme mund të miratojë një rezolutë këshilluese, duke miratuar apo bërë vërejtje për veprimtarinë e administratorëve.

Neni 19

MËNYRA E THIRRJES

1. Asambleja e përgjithshme thirret nëpërmjet një njoftimi me shkrim ose me njoftim nëpërmjet postës elektronike. Njoftimi me shkrim apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
2. Kur asambleja e përgjithshme nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakord për të marrë vendime, pavarësisht parregullsisë.

Neni 20

KËRKESAT NGA ORTAKËT E PAKICËS

1. Ortakët, të cilët përfaqësojnë të paktën 5 për qind të totalit të votave në asamblenë e përgjithshme të shoqërisë, apo një pjesë më të vogël të parashikuar në statut, mund t'i drejtojnë administratorëve një kërkesë me shkrim, përfshirë postën elektronike, për të thirrur asamblenë e përgjithshme dhe/ose përfshirjen e çështjeve të posaçme në rendin e ditës. Kërkesa duhet të përmbajë arsyet, objektivat dhe çështjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të caktojnë çështjet e rendit të ditës, në përputhje me pikën 1 të nenit 83 të ligjit nr. 9901 datë 14.04.2008 "Për tregtarët dhe shoqëritë tregtare".
2. Nëse, në kundërshtim me pikën 1 të këtij neni, asambleja e përgjithshme nuk thirret, ose çështja e kërkuar prej tyre nuk futet në rendin e ditës, secili prej ortakëve, që kanë bërë kërkesën, ka të drejtë:
 - a) të ngrejë padi në gjykatë, për të deklaruar shkeljen e detyrimit të besnikërisë, nëse administratorët nuk përmbushin kërkesat e ortakëve brenda 15 ditëve;
 - b) t'i kërkojë shoqërisë blerjen e kuotave, të zotëruara prej tyre.
3. Në rastet kur rendi i ditës ndryshohet, sipas parashikimeve të pikave 1 e 2 të këtij neni dhe thirrja i është njoftuar ortakëve, administratorët njoftojnë përsëri rendin e ditës, të ndryshuar, në përputhje me parashikimet e pikës 1 të nenit 83 të ligjit "Për tregtarët dhe shoqëritë tregtare".
4. Përfaqësuesi i autorizuar është i detyruar të deklarojë çdo fakt apo rrethanë, të tillë që, sipas gjykimit të ortakut të përfaqësuar, rrezikon të ndikojë në vendimmarrjen e përfaqësuesit për interesa të tjerë të ndryshëm nga ata të ortakut të përfaqësuar.

Neni 21


PËRFAQËSIMI NË ASAMBLE

1. Ortaket mund të përfaqësohen në asamblenë e përgjithshme, në bazë të një autorizimi nga një ortak tjetër apo nga një person i tretë.
2. Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.
3. Autorizimi jepet në formë shkrimore vetëm për një mbledhje të asamblesë së përgjithshme dhe është i vlefshëm edhe për mbledhjet vijuese me të njëjtin rend dite.

Neni 22

KUORUMI

1. Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, sipas nenit 87 të ligjit nr. 9901 datë 14.04.2008 "Për tregtarët dhe



shoqëritë tregtare", ajo mund të marrë vendime të vlefshme vetëm nëse ortakët që zotërojnë më shumë se gjysma e numrit total të votave janë të pranishëm personalisht, votojnë me shkrim, apo mjete elektronike, sipas parashikimeve të pikës 3 të nenit 88 të ligjit nr. 9901 datë 14.04.2008 "Për tregtarët dhe shoqëritë tregtare".

2. Nëse asambleja e përgjithshme nuk mund të mbledhet për shkak të mungesës së kuorumit të përmendur në pikën 1 të këtij neni, asambleja mbledhet përsëri jo më vonë se 30 ditë, me të njëjtin rend dite.

Neni 23


Marrja e Vendimeve

1. Asambleja e përgjithshme vendos me tri të katërtat e votave të ortakëve pjesëmarrës, siç përcaktohet në pikën 1 të nenit 86 të ligjit nr. 9901, datë 14.04.2008 "Për tregtarët dhe shoqëritë tregtare", për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
2. Me përjashtim të rasteve kur parashikohet ndryshe, për çështjet e tjera të renditura në nenin 81 të ligjit nr. 9901, datë 14.04.2008 "Për tregtarët dhe shoqëritë tregtare", asambleja e përgjithshme vendos me shumicën e votave të ortakëve pjesëmarrës.
3. Me përjashtim të rasteve kur parashikohet ndryshe në ligj, vlefshmëria e vendimeve që përcaktojnë detyrime shtesë mbi ortakët apo vendimet që kufizojnë të drejtat e tyre të parashikuara në këtë ligj ose në statut, kushtëzohet nga miratimi i ortakut përkatës.

Neni 24

E Drejta e Votës

1. Me përjashtim të rasteve kur parashikohet ndryshe në statut, çdo ortak ka të drejtë vote në përpjesëtim me vlerën nominale të kuotës së tij. Bashkëzotëruerit e një kuote ushtrojnë të drejtat e votës bashkërisht, sipas nenit 72 të ligjit "Për tregtarët dhe shoqëritë tregtare".
2. Statuti mund të parashikojë për ortakët, që nuk janë të pranishëm, mundësinë e pjesëmarrjes në mbledhjen e asamblesë së përgjithshme me mjete të ndryshme komunikimi, përfshirë mjete elektronike, me kusht që të garantohet identifikimi i ortakëve.
3. Mjetet elektronike përfshijnë, por pa u kufizuar në:
 - a) transmetimin e mbledhjes së asamblesë së përgjithshme në kohë reale;
 - b) komunikimin e ndërsjellë në kohë reale, i cili u mundëson ortakëve të shprehen për mbledhjen e asamblesë së përgjithshme nga një vendndodhje tjetër;
 - c) mekanizma që mundësojnë procesin e votimit, përpara apo gjatë mbajtjes së mbledhjes së asamblesë së përgjithshme, pa qenë nevoja të caktohet një përfaqësues i autorizuar për të marrë pjesë fizikisht në mbledhje.
4. Përdorimi i mjeteve elektronike për t'u mundësuar ortakëve të marrin pjesë në mbledhjen e asamblesë së përgjithshme bëhet me kusht që të merren masat teknike të nevojshme për të garantuar identifikimin e ortakëve dhe sigurinë e komunikimeve elektronike, deri në atë masë që ky përdorim të jetë proporcional me arritjen e këtyre qëllimeve.
5. Ortakët kanë të drejtën për të marrë unanimisht çdo vendim, me kusht që kjo marrëveshje të bëhet me shkrim.



Neni 25

Përfashtimi nga e Drejta e Votës

1. Ortaku nuk mund të ushtrojë të drejtën e votës nëse asambleja e përgjithshme merr vendim për:
 - a) vlerësimin e veprimtarisë së tij;
 - b) shuarjen e ndonjë detyrimi në ngarkim të tij;
 - c) ngritjen e një padie ndaj tij nga shoqëria;
 - ç) dhënien ose jo të përfitimeve të reja.
2. Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku të cilin përfaqëson.

Neni 26


Procesverbalet e Mbledhjes së Asamblesë

1. Të gjitha vendimet e asamblesë së përgjithshme duhet të regjistrohen në procesverbal. Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme.
2. Procesverbali duhet të përmbajë datën dhe vendin e mbledhjes, rendin e ditës, emrin e kryetarit dhe të mbajtësit të procesverbalit, rezultatet e votimit.
3. Procesverbalit i bashkëngjitet edhe lista e pjesëmarrësve, si edhe akti i thirrjes së asamblesë së përgjithshme.
4. Procesverbali i mbledhjes nënshkruhet nga kryetari dhe nga mbajtësi i procesverbalit.
5. Nëse shoqëria ka publikuar një faqe në internet, administratorët, jo më vonë se 15 ditë nga data e mbledhjes, janë të detyruar të publikojnë kopje të procesverbalit të mbledhjes së asamblesë së përgjithshme në këtë faqe.

Neni 27

Hetime të Posaçme

1. Asambleja e përgjithshme mund të vendosë nisjen e një hetimi të posaçëm për parregullsitë përgjatë veprimeve të themelimit të shoqërisë apo të ushtrimit të veprimtarisë tregtare. Hetimi kryhet nga një ekspert i pavarur i fushës.
2. Ortakët që përfaqësojnë të paktën 5 për qind të totalit të votave në asamblenë e shoqërisë, apo një vlerë më të vogël të parashikuar në statut dhe/ose cilido kreditor i shoqërisë mund t'i kërkojnë asamblesë së përgjithshme emërimin e një eksperti të pavarur të fushës, kur ka dyshime të bazuara për shkelje të ligjit ose të statutit. Ortakët apo kreditorët e shoqërisë së përcaktuar më sipër, brenda 30 ditëve pas refuzimit nga asambleja për emërimin e ekspertit të pavarur, mund t'i kërkojnë gjykatës emërimin e këtij eksperti. Nëse asambleja e përgjithshme nuk merr një vendim brenda 60 ditëve nga data e paraqitjes së kërkesës, kërkesa e ortakëve vlerësohet e refuzuar.



3. Kur asambleja e përgjithshme ka emëruar një ekspert të fushës për kryerjen e hetimit të posaçëm dhe kur për këtë emërim ka dyshime të bazuara për të besuar se eksperti mund të mos realizojë hetimin e posaçëm në mënyrën e duhur, ortakët ose kreditorët e përmendur në pikën 2 të këtij neni mund t'i kërkojnë gjykatës zëvendësimin e tij.
4. Kur gjykata pranon kërkesat e përmendura në pikat 2 dhe 3 të këtij neni, shoqëria tregtare përballon kostot e emërimit dhe të shpërblimit të ekspertit të emëruar për kryerjen e hetimit të posaçëm.
5. E drejta për të kërkuar hetim të posaçëm, sipas pikave 1 dhe 2 të këtij neni, duhet të ushtrohet brenda 3 vjetëve nga data e regjistrimit të shoqërisë tregtare, kur hetimi ka si objekt parregullsitë e procesit të themelimit, si dhe brenda 3 vjetëve nga data e veprimit që konsiderohet i parregullt, kur hetimi ka si objekt parregullsitë e ushtrimit të veprimtarisë tregtare.
6. Kreditori, që në keqbesim paraqet një kërkesë, sipas pikës 2 të këtij neni, përgjigjet në përputhje me nenin 34 të Kodit të Procedurës Civile.

Neni 28

SHFUQIZIMI I VENDIMEVE TË PARREGULLTA DHE DËMSPËRBLIMI

1. Asambleja e përgjithshme, në bazë të një vendimi të marrë me shumicën e përcaktuar sipas pikës 2, neni 87, të ligjit "Për tregtarët dhe shoqëritë tregtare", ka të drejtë të ngrejë padi para gjykatës kompetente për shfuqizimin e vendimeve të administratorëve, si pasojë e shkeljes së rëndë të ligjit ose të statutit dhe/ose padi të tjera që parashikon ligji ose statuti ndaj administratorëve apo ortakëve.
2. Ortakët, të cilët përfaqësojnë të paktën 5 për qind të totalit të votave në asamblenë e shoqërisë ose një vlerë më të vogël të parashikuar në statut, dhe/ose kreditorët e shoqërisë, të cilët pretendojnë se shoqëria ka ndaj tyre detyrime në një vlerë jo më të vogël se 5 për qind të kapitalit, mund t'i kërkojnë asamblesë së përgjithshme ngritjen e padisë për shfuqizimin e vendimeve të administratorëve. Ortakët apo kreditorët e shoqërisë, siç janë përcaktuar më sipër, brenda 30 ditëve pas refuzimit nga asambleja për ngritjen e padisë, kanë të drejtë të ngrejnë drejtpërdrejt, para gjykatës kompetente, padi në emër të shoqërisë për shfuqizimin e vendimit të administratorëve. Nëse asambleja e përgjithshme nuk merr një vendim brenda 60 ditëve nga data e kërkesës, kërkesa e ortakëve apo kreditorëve të përcaktuar më sipër vlerësohet e refuzuar.
3. Në rastet kur shoqëria ngre padi si më sipër, ajo merr pjesë në gjykim me anë të një përfaqësuesi të posaçëm, të caktuar nga asambleja e përgjithshme.
4. Ortakët ose kreditorët e përmendur në pikën 2 të këtij neni mund t'i kërkojnë gjykatës zëvendësimin e përfaqësuesit të posaçëm, kur ka dyshime të bazuara se përfaqësuesi i emëruar nga asambleja e përgjithshme mund të mos ngrejë dhe ndjekë padinë në interesin më të mirë të shoqërisë. Nëse gjykata e pranon këtë kërkesë, kostot e emërimit dhe të shpërblimit të përfaqësuesit përballohen nga shoqëria.
5. Gjykata vendos shpalljen e pavlefshmërisë së vendimit të administratorit, nëse ai nuk merret vesh me përfaqësuesin e posaçëm për korrigjimin e pasojave të vendimit, brenda 30 ditëve nga data e emërimit të këtij përfaqësuesi. Të drejtat e palëve të treta mbeten të pacenuara, në përputhje me pikën 3 të nenit 12 të ligjit nr 9901 datë 14.04.2008 "Për tregtarët dhe shoqëritë tregtare".
6. Ortakët në pakicë dhe kreditorët e përcaktuar më sipër kanë të drejtat e parashikuara në pikat 2 dhe 4 të këtij neni, edhe në rastin kur asambleja e përgjithshme nuk merr vendim ose refuzon të vendosë për kërkesën e tyre për ngritjen ndaj administratorëve të padisë, me objekt shpërblimin e dëmit të pësuar nga shoqëria, si vendim i paligjshëm, apo për ngritjen e padive të tjera që parashikon ky ligj ose statuti ndaj administratorëve apo ortakëve.
7. Dispozita e paragrafit të gjashtë të nenit 91 të ligjit nr 9901 datë 14.04.2008 "Për tregtarët dhe shoqëritë tregtare" zbatohet edhe për këto padi.

Neni 29

TË DREJTAT E LIDHURA ME KUOTËN

Orteku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cenimit apo shpërblimin e dëmit të shkaktuar, si pasojë e cenimit të këtyre të drejtave. Kjo e drejtë parashkruhet brenda 3 vjetëve nga çasti i cenimit.

Neni 30

ADMINISTRATORI

Emërimi, shkarkimi, të drejtat dhe detyrimet

Administrator i shoqërisë "Hazisllari Trans" Sh.p.k Berat do të emërohet z Aranit Hazisllari dhe afati i emërimit është për një periudhë 5 vjeçare me të drejtë ripërtëritjeje.

1. Emërimi i administratorëve prodhon efekte pas regjistrimit në Qendrën Kombëtare të Biznesit. "Emërimi i administratorit, i cili hyn në fuqi në datën e përcaktuar sipas aktit të emërimit, u kundrejtohet palëve të treta sipas përcaktimeve të nenit 12 të ligjit "Për tregtarët dhe shoqëritë tregtare".
2. Administratorët e një shoqërie tregtare mëmë, sipas përcaktimit të nenit 207 të ligjit nr 9901 datë 14.04.2008 "Për tregtarët dhe shoqëritë tregtare", nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.
3. Administratorët kanë të drejtë dhe detyrë të:

a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;

b) përfaqësojnë shoqërinë tregtare;

c) kujdesen për mbajtjen e saktë e të rregullt të dokumenteve dhe të librave kontabël të shoqërisë;

ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente para asamblesë së përgjithshme për miratim;

d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;

dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Biznesit;


e) raportojnë para asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

ë) kryejnë detyra të tjera të përcaktuara në ligj dhe në statut. Gjithsesi do të jetë i nevojshëm autorizimi paraprak i ortakëve me vendim që do të merret me votën pro të ortakëve që përfaqësojnë të paktën 51% të kapitalit të shoqërisë për realizimin e këtyre detyrave:

f) marrjen e kredive, garancive dhe hapjen e kredive në përgjithësi pranë çdo instituti ose ndërmarrje kredie, me ose pa garanci, të çfarëdo vlere;

g) shitblerjen, kontributet dhe dhënien me qira të ndërmarrjeve ose degëve të ndërmarrjeve;

gj) themelimin e shoqërive të çdo lloji, konsorciumeve dhe enteve kolektive të çdo lloji;



h) shitjen dhe blerjen e pjesëmarrjeve dhe interesave të çdo lloji;

i) blerjen, shitjen dhe dhënien me qira të pasurive të paluajtshme të regjistruara;

4. Në rastet e parashikuara nga pikat 3 e 5 të nenit 82 të ligjit nr 9901 datë 14.04.2008 "Per tregtarët dhe shoqëritë tregtare", administratori është i detyruar të therrase asamblenë e përgjithshme. 5. Nëse asambleja e përgjithshme emerion me shumë se një administrator, ata e administrojnë bashkërisht shoqërinë.

6. Asambleja e përgjithshme mund të shkarkojë administratorin në çdo kohë me shumicë të zakonshme. Asnjë marrëveshje tjetër nuk mund të përjashtojë apo kufizojë këtë të drejtë. Padite, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

7. Administratori mund të heqë dorë në çdo kohë nga detyra e tij, nepermjet një njoftimi me shkrim drejtuar asamblese së përgjithshme. Administratori, që jep dorëheqjen, duke pasur parasysh rrethanat e veprimtarisë së shoqërisë, është gjithashtu i detyruar të therrase asamblenë e përgjithshme për emerimin e administratorit të ri, përpara datës në të cilën dorëheqja të hyjë në fuqi.

8. Nëse asambleja e përgjithshme nuk vendos emerimin e administratorit të ri në datën e përcaktuar në thirrjen e kryer nga administratori i dorëhequr, atëherë administratori i njofton me shkrim dorëheqjen Qendrës Kombëtare të Bisnesit, së bashku me kopjen e thirrjes sëmbledhjes së asamblese së përgjithshme dhe Qendra Kombëtare e Bisnesit regjistron largimin e administratorit, sipas procedurave të ligjit nr. 9723, datë 3.5.2007, "Per Qendrën Kombëtare të Bisnesit", të ndryshuar.

9. Dorëheqja e administratorit nuk cenon paditee shoqërisë për shkelje të detyrimit të besnikërisë që administratori ka ndaj saj, sipas këtij ligji.

Neni 31

PËRFAQËSIMI

1. Kufizimet e tagrave të përfaqësimit të administratorëve i kundrejtohen palëve të treta, në përputhje me dispozitat e nenit 12 të ligjit nr. 9901, datë 14.04.2008, "Për tregtarët dhe shoqëritë tregtare".
2. Administratorët, që përfaqësojnë bashkërisht shoqërinë tregtare, mund të autorizojnë disa prej tyre për kryerjen e disa veprimeve të caktuara apo për kryerjen e disa kategorive të caktuara veprimesh. Njoftimet e drejtuara secilit prej administratorëve janë të vlefshme e detyruese për shoqërinë.
3. Tagrat e përfaqësimit të administratorëve dhe çdo ndryshim i tyre njoftohen për regjistrim pranë Qendrës Kombëtare të Regjistrimit.

Neni 32

SHPËRBLIMI I ADMINISTRATORIT

1. Shpërblimit bazë të administratorëve mund t'i bëhen shtesa, që mund të jenë përqindje në fitim ose të ngjashme. Shpërblimet e administratorëve përcaktohen me vendim të zakonshëm të asamblesë së përgjithshme.
2. Shpërblimi, sipas pikës 1 të këtij neni, duhet të jetë i përshtatshëm dhe në përputhje me detyrat e administratorëve dhe gjendjen financiare të shoqërisë.
3. Nëse shoqëria është në vështirësi financiare, asambleja e përgjithshme mund të vendosë reduktimin e shpërblimit të administratorëve në masën e përshtatshme.
4. Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore.

Neni 33

DETYRIMI I BESNIKËRISË DHE PËRGJEGJËSIA

1. Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 dhe 18 të ligjit nr. 9901, datë 14.04.2008, "Për tregtarët dhe shoqëritë tregtare", administratorët detyrohen: a) të kryejnë detyrat e tyre në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis; b) të ushtrojnë kompetencat vetëm për arritjen e qëllimeve të përcaktuara në këto dispozita; c) të vlerësojnë me përgjegjësi çështjet për të cilat merret vendim; ç) të parandalojnë dhe të shmangin rastet e konfliktit, prezent apo të mundshëm, të interesave personale me ata të shoqërisë; d) të garantojnë miratimin e marrëveshjeve sipas dispozitave të pikës 3 të nenit 13 të ligjit nr. 9901, datë 14.04.2008, "Për tregtarët dhe shoqëritë tregtare"; dh) të ushtrojnë detyrat e tyre me profesionalizmin dhe kujdesin e nevojshëm.
2. Administratorët, gjatë kryerjes së detyrave të tyre, përgjigjen ndaj shoqërisë për çdo veprim ose mosveprim që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.
3. Nëse administratorët veprojnë në kundërshtim me detyrat dhe shkelin standardet profesionale, sipas pikave 1 e 2 të këtij neni, janë të detyruar t'i dëmshpërblejnë shoqërisë dëmet që rrjedhin nga kryerja e shkeljes, si dhe t'i kalojnë çdo fitim personal që ata apo personat e lidhur me ta kanë realizuar nga këto veprime të parregullta. Administratorët kanë barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare.
4. Në mënyrë të veçantë, por pa u kufizuar në to, administratorët janë të detyruar t'i dëmshpërblejnë shoqërisë dëmet e shkaktuara, nëse, në kundërshtim me dispozitat e këtij ligji, kryejnë veprimet e mëposhtme: a) u kthejnë ortakëve kontributet; b) u paguajnë ortakëve interesa apo dividende; c) u shpërndajnë aktivet shoqërisë; ç) lejojnë që shoqëria të vazhdojë veprimtarinë tregtare, kur, në bazë të gjendjes financiare, duhet të parashikohej që shoqëria nuk do të kishte aftësi paguese për të shlyer detyrimet; d) japin kredi.
5. Dispozitat e pikës 6 të nenit 92 të ligjit nr. 9901, datë 14.04.2008, "Për tregtarët dhe shoqëritë tregtare", zbatohen edhe për paditë që rrjedhin nga paragrafët e këtij neni. Këto padi duhet të ngrihen brenda 3 vjetëve nga kryerja e shkeljes apo nga zbulimi i saj.

Neni 34

PRISHJA E SHOQËRISË, LARGIMI DHE PËRJASHTIMI I ORTAKEVE

1. Shoqëria me përgjegjësi të kufizuar priset: a) kur mbaron koha për të cilën është themeluar; b) me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit; c) në rast se objekti bëhet i parealizueshëm për shkak të mosfunksionimit të vazhduar të organeve të shoqërisë apo për shkak të tjera që e bëjnë absolutisht të pamundur vazhdimin e veprimtarisë tregtare; ç) në rastet e pavlefshmërisë së themelimit të shoqërisë, të parashikuara nga neni 3/1 i ligjit "Për tregtarët dhe shoqëritë tregtare"; d) në raste të tjera, të parashikuara në statut; dh) në raste të tjera, të parashikuara me ligj; e) për çdo shkak tjetër të vendosur nga asambleja e ortakëve.
2. Prishja e shoqërisë, si pasojë e një apo më shumë prej shkaqeve të përcaktuara në shkronjat "a", "c", "d", "dh" dhe "e" të pikës 1 të këtij neni, vendoset nga asambleja e ortakëve me shumicën e parashikuar sipas pikës 1 të nenit 87 të ligjit "Për tregtarët dhe shoqëritë tregtare".

3. Në rast të mosveprimit të asamblesë së ortakëve për të vendosur prishjen, për shkaqet e përcaktuara në shkronjat "a", "c", "d" dhe "dh" të pikës 1 të këtij neni, çdo person i interesuar mund, në çdo kohë, t'i drejtohet gjykatës për të konstatuar prishjen e shoqërisë.
4. Pavarësisht parashikimeve të sipërpërmendura, ekzistenca e një ose më shumë shkaqeve të parashikuara nga shkronjat "a", "c", "d", "dh" dhe "e" të pikës 1 të këtij neni nuk do të ketë si pasojë prishjen e shoqërisë dhe hapjen e procedurave të likuidimit, nëse përpara vendimit gjyqësor të formës së prerë, të përmendur në pikën 3 të këtij neni, shkak i prishjes është korrigjuar, nëse është e mundur të korrigjohet, dhe ky korrigjim është publikuar nga shoqëria në regjistrin tregtar, sipas parashikimeve të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar.
5. Prishja e shoqërisë, si pasojë e shkaqeve të parashikuara në shkronjën "b" të pikës 1 të këtij neni, vendoset nga gjykata kompetente për procedurat e falimentimit, kur, në përfundim të këtyre procedurave, të gjitha pasuritë e shoqërisë janë likuiduar për shlyerjen në mënyrë kolektive të detyrimeve ndaj kreditorëve, apo kur gjykata kompetente për procedurat e falimentimit vendos rrezimin e kërkesës për hapjen e procedurës së falimentimit për shkak të pamjaftueshmërisë së pasurive të shoqërisë për të mbuluar shpenzimet e procedurës së falimentimit.
6. Prishja e shoqërisë, si pasojë e shkaqeve të parashikuara në shkronjën "ç" të pikës 1 të këtij neni, vendoset nga gjykata kompetente, sipas parashikimeve të nenit 3/1 të ligjit "Për tregtarët dhe shoqëritë tregtare".

Neni 35

REGJISTRIMI I SHPËRBËRJES

Administratoret regjistrojnë prishjen e shoqërisë pranë Qendrës Kombëtare të Biznesit, në përputhje me nenin 43 të ligjit nr. 9723, datë 3.5.2007 "Për Qendrën Kombëtare të Biznesit", të ndryshuar.

Nëse prishja e shoqërisë bëhet me vendim gjykate, gjykata, në përputhje me nenin 45 të ligjit nr. 9723, datë 3.5.2007 "Për Qendrën Kombëtare të Biznesit", ia njofton vendimin Qendrës Kombëtare të Biznesit për regjistrim.

Neni 36

LARGIMI I ORTAKUT PËR SHKAQE TË ARSYESHME

1. Ortaku mund të largohet nga shoqëria nëse ortakët e tjerë ose shoqëria kanë kryer veprime në dëm të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme, apo për shkaqe të tjera që e bëjnë të pamundur vazhdimin e ortakërisë.
2. Ortaku që kërkon largimin, duhet të njoftojë shoqërinë me shkrim dhe të parashtrijë shkaqet e largimit.
3. Administratoret duhet të thërrasin mbledhjen e asamblesë së përgjithshme menjëherë pas marrjes së njoftimit për largimin, sipas pikës 2 të këtij neni, për të vendosur nëse ortakut do t'i likuidohet kuota, si pasojë e largimit për shkaqe të arsyeshme.
4. Ortaku ka të drejtë të ngrejë padi në gjykatë ndaj shoqërisë për likuidimin e kuotës, si pasojë e largimit për shkaqe të arsyeshme, nëse pas njoftimit të largimit asambleja e përgjithshme nuk mbledhet apo nuk pranon shkaqet e largimit dhe likuidimin e kuotës.
5. Ortaku që kërkon largimin nga shoqëria, detyrohet të kompensojë shoqërinë për dëmet e shkaktuara, nëse rezulton se largimi është kryer mbi baza të shkaqeve të paarsyeshme.
6. Ortaku që largohet ka të drejtë të ngrejë padi ndaj shoqërisë dhe/ose ortakëve të tjerë që shkaktuan largimin e tij dhe të kërkojë ndaj tyre, në mënyrë solidare, shpërblimin e dëmit të pësuar.

Neni 37

PERJASHTIMI I ORTAKUT

1. Në bazë të një vendimi të zakonshëm, asambleja e përgjithshme mund t'i kërkojë gjykatës përjashtimin e ortakut, nëse ai nuk ka shlyer kontributin e tij, sipas parashikimeve të statutit, ose nëse ekzistojnë shkaqe të tjera të arsyeshme për këtë përjashtim.
2. Shkaqe të arsyeshme për përjashtimin e ortakut, sipas pikës 1 të këtij neni, përfshijnë, por nuk kufizohen në: a) me dashje apo me pakujdesi të rëndë, i shkakton dëme shoqërisë ose ortakëve të tjerë; b) me dashje apo me pakujdesi të rëndë, shkel statutin ose detyrimet e parashikuara me ligj; c) përfshihet në veprime që e bëjnë të pamundur vazhdimin e marrëdhënieve midis shoqërisë tregtare dhe ortakut; ose ç) me veprimet e tij dëmton ose pengon ndjeshëm veprimtarinë tregtare të shoqërisë.
3. Gjatë procedurës së përjashtimit të ortakut, me kërkesë të paditësit, gjykata mund të marrë masa për sigurimin e padisë, duke pezulluar të drejtën e votës së ortakut që kërkohet të përjashtohet, si dhe të drejtat e tjera që rrjedhin nga zotërimi i kuotës së shoqërisë, kur ajo e vlerëson këtë masë si të nevojshme dhe të justifikuar.
4. Shoqëria ka të drejtë t'i kërkojë ortakut të përjashtuar shpërblimin e dëmit të pësuar nga veprimet që kanë sjellë përjashtimin.
5. Ortaku ka të drejtë t'i kërkojë shoqërisë shpërblimin e dëmit të pësuar, nëse kërkesa për përjashtim nuk është e bazuar.
6. Ortaku nuk ka të drejtë t'i kërkojë shoqërisë likuidimin e kuotës, nëse ai përjashtohet për shkaqe të arsyeshme, por, nëse shoqëria ngre padinë për shpërblimin e dëmit, ortakut ka të drejtë të kompensojë shumën që do të kishte të drejtë ta përfitonte në cilësinë e likuidimit të kuotës, me dëmin e kërkuar nga shoqëria.

Neni 38

PASOJAT E LARGIMIT DHE PERJASHTIMIT

1. Të gjitha të drejtat që rrjedhin nga cilësia e ortakut në shoqëri, shuhen në datën e largimit ose të vendimit të formës së prerë të gjykatës për largimin ose përjashtimin.
2. Statuti nuk mund të përjashtojë apo të kufizojë të drejtën e ortakut për t'u larguar nga shoqëria dhe të drejtën e shoqërisë për të përjashtuar ortakut.

Neni 39


LIKUIDIMI NË GJENDJEN E AFTËSISË PAGUESE

Me përjashtim të rasteve kur është nisur një procedurë falimentimi, prishja e shoqërisë me përgjegjësi të kufizuar ka si pasojë hapjen e procedurave të likuidimit në gjendjen e aftësisë paguese, sipas neneve 190 deri në 205 të ligjit nr. 9901, datë 14.04.2008 "Për tregtarët dhe shoqëritë tregtare", të ndryshuar.

Neni 40

MOSMARRËVESHJET

Për çdo mosmarrëveshje ndërmjet ortakëve, e lindur në kuadër të kësaj kontrate, do të bëhen të gjitha përpjekjet për t'u zgjidhur me mirëkuptim; në rast të kundërt, çështja do të paraqitet në Gjykatë, duke u gjykuar mbi bazën e legjislacionit shqiptar.



DISPOZITA TË PËRGJITHSHME


Për gjithçka që nuk është shprehur në statutin e kësaj shoqërie, do t'i referohemi ligjit nr. 9901, datë 14.04.2008 "Për tregtarët dhe shoqëritë tregtare", të ndryshuar dhe dispozitave të tjera ligjore në fuqi.

Ky statut u shkrua, u lexua dhe u firmos me vullnet të lirë e ndërgjegje të plotë nga ortakët themelues të shoqërisë "Hazisllari Trans" Sh.p.k., Berat, sot më datë 10/09/2024, në tre kopje në gjuhën shqipe.


ORTAKET E SHOQËRISË

"Hazisllari Trans" Sh.p.k. Corovode


Veli HAZISLLARI

Veli Hazisllari 


Faik HAZISLLARI

Faik Hazisllari 


Gezim HAZISLLARI

Gezim Hazisllari 


Aranit HAZISLLARI

Aranit Hazisllari 

Mirjan HAZISLLARI

Mirjan Hazisllari 

Margarita HAJDARI

Margarita Hajdari 

Mario HAZISLLARI

Mario Hazisllari 